

Deportista local rumbo pa Merca

Zaithyel “THE MISSILE” Soekandar lo participa den torneo di Gator Nationals

ORANJESTAD - Despues di titula campeon den su ultimo careda internacional na November 2012, cual tabata e “First Youth Dutch Caribbean 2012 BMX Championships” siguiientemente Zaithyel Soekandar ta saliendo rumbo pa Oldsmar Florida.

Esaki ta su prome careda internacional pa aña 2013. Na Oldsmar, Zaithyel lo participa den e evento grandi di “Gator Nationals” cu lo tuma lugá dia 9 y 10 venidero. Esaki no solamente ta Zaithyel su prome careda internacional pa aña 2013, pero tambe e ta haciendo un otro debut

den su carera di BMX y lo core su prome careda pa team “GHP”.

Esaki sigur ta un otro logro grandi pa Zaithyel mirando cu GHP a ofrece miho beneficinan cu e tabata tin cu RedLine/M.

Esaki no tabata un decision facil, pero despues cu varios team a acerca su persona, el a dicidi di bay pa e miho team p’e. Cambio pa GHP tambe tin un balor emocional pa Zaithyel, esaki debi na e hecho cu GHP tabata e team

cu su idolo, 3 biaha campeon mundial y US Olympian, q.e.p.d. Kyle Bennett a forma parti den su ultimo aña di bida.

Zaithyel ta ansioso un biaha mas pa topa su contrincantenan principal den e mundo di BMX pa midi su nivel mundial. Expectativanan ta halto cu Zaithyel “The Missile” lo ta un biaha mas riba e podium di BMX “Gator Nationals”. Exitu na Zaithyel Soekandar. □

Zaithyel “THE MISSILE” Soekandar cu lo ta na Merca un biaha mas pa participa den competencia di BMX.

